
РИШТОН - ДЕРУТА: АМАЛИЙ НАТИЖАЛАР САРИ

Маълумки, ўтган йилнинг ноябрь ойида Риштон тумани делегацияси Италиянинг Дерута шаҳрида бўлиб, ташриф давомида ахдлашув меморандуми имзоланган эди. Унга кўра, Дерута шаҳри делегацияси Риштон туманига ташриф буюриши белгиланган эди. Кеча Риштон тумани ва Италиянинг Дерута шаҳарларининг ҳокимлари ва фаоллари ўртасида онлайн учрашув ташкил этилди. Тадбирда Ўзбекистон Республикасининг Италиядаги элчиси Отабек Акбаров ҳамда Италия вакили сифатида Дерута шаҳар мэри Michele Toniacini, ижтимоий-иқтисодий соҳа вакиллари ва Риштон тумани ҳокими Суфхонжон Солиев, туман ҳокими ўринбосари, Инвестициялар ва ташқи савдо бўлими бошлиғи Абдуқаҳҳор Жўрабоев ва мутасадди раҳбарлар иштирок этишди. Тадбир кўтаринки руҳда ўтказилиб, иштирокчилар келгусида ҳам дўстлик жамиятлари фаолиятини янада ривожлантириш мақсадида бундай учрашувларни тез-тез ўтказишини белгилаб олдилар. Учрашув якунида Италиянинг Дерута шаҳри делегациясининг туманимизга ташрифи борасида ҳам келишиб олишди. Италияликларнинг туманимизга июнь ойларида келишни режалаштирилмоқда.

2022-03-04 10:54:45